

誠告爾，彼必不失賞也。凡陷信我之小子於罪者，寧以磨石懸其頸，投於海之為美也。倘爾一手陷爾於罪，則斷之，寧殘缺入於生，勿兩手下地獄不滅之火。在彼，蟲不死，火不滅。倘爾一足陷爾於罪，則斷之，寧跛入於生，勿兩足下地獄不滅之火。在彼，蟲不死，火不滅。倘爾一目陷爾於罪，則去之，寧一目進上帝國，勿兩目投地獄之火。在彼，蟲不死，火不滅。凡人必火以火，火以火本經作蓋以火祭物必鹽以鹽，鹽善矣。鹽而失其為鹽，何以復之。爾曹內宜有鹽而相和可也。

耶穌去彼，經約但外，至猶太境，眾復集就耶穌，依然教誨。法利賽人欲試耶穌，就而問曰：人出妻可乎？耶穌

曰：摩西云何？曰：摩西許以離書出之。耶穌曰：摩西以爾心忍，故有斯命，而原造物之始，上帝造茲男女，以故人離父母，膠漆其妻，成爲一體，由是觀之，終不爲二，乃一體矣。且上帝所耦者，人不可分之也。耶穌在室，門徒復問。耶穌曰：凡棄妻他娶者，是淫行也。妻棄夫他適者，亦淫行也。○有攜孩提，欲耶穌按者，門徒責之。耶穌不悅，曰：容孩提就我，勿禁。蓋有上帝國者，正如是人也。我誠告爾，凡承上帝國，不如孩提者，不得入也。乃抱孩提，按而祝之。○出於途，有人趨前，曲跽問曰：善哉師也，我當何爲，以得永生？耶穌曰：胡爲以善稱我，無一善者，惟上帝而已。夫諸誠爾所識也。

毋行淫，毋殺人，毋攘竊，毋妄證，勿以不義取人，敬爾父母。對曰：先生，我自幼盡守之矣。耶穌顧而愛之，曰：猶虧一往，售所有以濟貧，則必有財於天，且來負十字架而從我。其人聞言色沮，愀然而去，資厚故也。耶穌環視，謂門徒曰：有財者入上帝國，難矣哉。門徒異其言。耶穌曰：小子，恃財而入上帝國，難矣哉。駝穿針孔，較富人入上帝國，尤易也。門徒益異之，相告曰：然則誰得救乎？耶穌目之曰：人則不能。上帝不然，上帝無不能也。彼得曰：我儕舍一切從爾。耶穌曰：我誠告爾，未有人為我及福音，離屋宇，兄弟，姊妹，父母，妻子，田疇，而不獲百倍者，即今世屋宇，兄弟，姊妹，母子，田

疇，亦有寤逐，而來世永生矣。然先者多為後，後者多為先也。○上耶路撒冷時，途間，耶穌先行，門徒從，駭且懼。耶穌攜十二門徒，言將遇之事。曰：我儕上耶路撒冷，人子將賣與祭司諸長士子，定以死，解與異邦人，凌辱鞭扑，唾而殺之。越三日復生。西比太子雅各約翰，就耶穌曰：我儕有求於先生，願許我。曰：欲我何為？曰：爾榮時，許我坐左右也。耶穌曰：所求者，爾自不知也。我飲之杯，爾能飲乎？我受之洗，爾能受乎？曰：能。曰：我飲之杯，爾將飲之。我受之洗，爾將受之。但坐我左右，非我得子，惟子未備位，以待之者。十徒聞之，則憾雅各約翰。耶穌召之曰：異邦之君主其治，而大人

孰其權爾所知也。爾曹不可。爾中欲為大者，當為爾役。欲
 為首者，當為眾僕。蓋人子至，非以役人，乃役於人。且舍生
 為眾贖也。○至耶利哥，耶穌與門徒及大眾。日邑時，有瞽
 者底買之子，名巴底買，坐乞道旁。聞拿撒勒人耶穌至，呼
 曰：大關之裔，耶穌，矜恤我。眾責使緘默。彼愈呼曰：大關之
 裔，矜恤我也。耶穌止，令人呼之，遂呼瞽者曰：安爾心，起。耶
 穌呼爾矣。瞽者棄衣，起就耶穌。耶穌曰：爾欲我何為？曰：夫
 子，我欲得見。耶穌曰：往哉，爾信愈爾，遂得見。從耶穌於道。
 近耶路撒冷，至伯法其及伯大尼，迤橄欖山，耶
 穌遣門徒二人曰：爾往前村，入則遇小驢繫焉，從未有人

乘者，解而牽之。倘有人問爾何為，則曰：主需之，彼必從而
 放焉。門徒遂往，果遇小驢繫於門外歧路間，即解之。旁立
 數人，問曰：解驢何為？門徒如耶穌命以對，遂許之。乃牽驢
 就耶穌，置衣於上，耶穌乘之。多人以衣布道，或伐樹枝布
 於途。前後行人呼曰：萬福歟。托主名來者，當見寵也。承我
 祖大關之國，托主名臨者，當見寵也。在上者萬福矣。耶穌
 進耶路撒冷，入殿，圍視諸物。既暮，偕十二門徒出，至伯大
 尼。○明日，去伯大尼，耶穌饑，遙見無花菓樹，有葉，就視有
 實否。及至，見葉而已，蓋菓期未至也。耶穌謂樹曰：今而後，
 無食爾菓矣。門徒聞之，既至耶路撒冷，耶穌入殿，逐其中

貿易者反兌錢者之几，鸞鵠者之椅，不許攜具過殿，示人曰：「記不云乎？我室必稱為諸民祈禱之室，爾曹以為盜巢也。」士子祭司諸長聞此，謀殺之而不敢，以眾其道也。○既暮，耶穌出邑來朝，過無花菓樹，見根枝盡槁，彼得憶而言曰：「夫子，請觀爾所詛之樹，已槁矣。」耶穌曰：「當信上帝，我誠告爾，凡命此山移去投海，而中心不疑，信所言必成，則所言可成也。」吾語汝，祈禱時不論何求，信則得之。立而祈禱時，如與人有憾，則免之，天父亦免爾過，不免之，天父亦不免爾過。○復至耶路撒冷，耶穌行於殿，祭司諸長士子長老就之，曰：「爾以何權行是？誰賜爾此權耶？」耶穌曰：「我亦

一言問爾，請答我，則我以何權行是告爾。」約翰施洗由天乎？由人乎？請答我。其人竊議曰：「若云由天，彼必曰：曷不信之？若云由人，我又畏民，蓋民誠以約翰為先知也。」遂對曰：「不知。」耶穌曰：「我亦不以何權行是告爾也。」

耶穌設譬曰：「有人樹葡萄園，以籬環之，掘酒醱，建塔，租與農夫，遂往異地。及期，遣僕就農夫，取園中當納之菓。農夫執而扑之，使徒返。復遣他僕，農夫石傷其首，凌辱遣之。又遣一僕，農夫殺之。復遣羣僕，或扑或殺。有愛子一，卒遣之，以為必敬我子矣。農夫相告曰：「此其嗣子，且來殺之，業歸我矣。」遂執而殺之，棄諸園外。園主將何以處此？」

必至而滅農夫以園托他人焉。經云：工師所棄之石，成爲屋隅首石。此主所成者，我目而奇之，爾未讀乎？其人知耶穌設譬指己，欲執之，而畏衆，遂去。○後遣法利賽希律黨數人，欲卽其言，阱陷之，乃就耶穌曰：先生，我知爾乃眞者，不偏視人，不以貌取人，而以誠傳上帝道者也。納稅該撒該撒羅馬國君之號，宜否？納不納乎？耶穌知其詐，曰：何試我耶？取金錢一子，我觀之，遂取之。耶穌曰：是像與號誰乎？曰：該撒曰：以該撒之物納該撒，以上帝之物納上帝矣。衆奇之。○有撒土該人言無復生者，就而問曰：先生，摩西筆以示我云：若人兄弟死，遺妻而無子，兄弟當娶其妻，生子以嗣之。有兄

弟七人，長者娶妻，無子而死。其二娶之，亦無子而死。其三亦然。如是七人娶之，皆無遺子，厥後，婦亦死焉。至復生時，其人復生，此婦爲誰之妻乎？蓋納之者，七人矣。耶穌曰：爾不識經，及上帝權若此，豈不謬哉？夫復生之時，不嫁不娶，如在天使者。論死者復生，上帝云：我乃亞伯拉罕之上帝，以撒之上帝，雅各之上帝，載在摩西書棘中篇，爾未讀乎？是上帝非死者之上帝，乃生者之上帝矣。故爾曹謬甚。○有一士子，聞其辨論，見耶穌善於應對，就而問曰：何爲諸誠首？耶穌曰：諸誠首云：以色列民聽之哉，主卽我之上帝，一主耳。當盡心，盡性，盡意，盡力，愛主爾之上帝，此首誠也。

新約全書

馬可傳福音書第十二章

十九

卷二

其次愛人如己，亦猶是。誠未有大於此者。士子曰：善哉！先生之言是也。蓋上帝惟一，其外無他。苟盡心盡意盡性盡力愛之，又愛人如己，則愈諸蕪穢祭祀多矣。耶穌見其善於應對，乃曰：爾違上帝國不遠矣。自是無敢出者。○耶穌於殿教誨，曰：士子何言？基督為大闢裔乎？大闢感於聖神，言曰：主謂我主云：坐我右，我將以爾敵置爾足下。夫大闢既稱基督為主，則基督如何為大闢裔乎？眾皆樂聞。○耶穌傳道曰：謹防士子，彼好衣長服而遊喜市上，問安會堂高位，席間上坐，然并吞廢婦家資，佯為長祈，其受罪必尤重也。○耶穌對庫而坐，見眾以金輪庫，諸富者輸多金有

貧廢至，輪半釐者二，卽一釐耳。乃招門徒曰：吾誠告爾，此貧廢輪庫較眾尤多。蓋眾以羨餘輸之，此則不足而盡輸所有，是全業也。

耶穌出殿，有一門徒曰：先生，請觀斯宇斯石，一至於此乎？耶穌曰：爾第見斯宇之大，然將不遺石於石上，乃必盡圮。耶穌於橄欖山對殿而坐，彼得雅各約翰安得烈竊問曰：請告我何時有此事，應之日有何兆乎？耶穌曰：慎勿為人所惑，將有多人冒我名來，曰：我基督也，致惑眾。且爾聞戰與戰風聲，勿懼，此事必有，惟末期未至耳。民將攻民，國亦攻國，地震饑饉變亂，隨在皆然，此災害之始也。

新約全書

馬可傳福音書第十三章

二十

卷二

故當自謹。蓋爲我故人將解爾至公會，扑爾於會堂，立爾於侯王前，以爲證。惟福音必先傳於萬民。曳爾解爾時，勿先慮，勿預籌，何以言。當時賜爾以言者言之，非爾自言，乃聖神耳。兄弟將致兄弟於死，父之於子亦然。子攻父母而死之，爾以我名見憾於衆，惟終忍者得救也。爾觀先知但以理所言，指殘賊可惡之物，立不當立之地，讀者宜致思焉。時在猶太者，當避於山，在屋上者，勿下入室，取家資，在田者，勿歸取衣。當日妊婦乳婦，其有禍乎。宜祈禱，免冬時逃避矣。斯時患難將至，自上帝造物以來，未有如此。後亦無有若主不稍減其日，則無有得救者，惟爲所選之民，是

日其稍減耳。時有告爾者曰：基督在此，基督在彼，則勿信。蓋將有僞基督，僞先知者起，施異蹟奇事，使得以惑選民，則惑之矣。慎之哉。我悉與爾先言之矣。當是時也，患難之後，日晦冥，月無光，天星隕墜，天象震動，將見人子以大權大榮乘雲而來。遣使者集厥選民於四方，從地極至天涯。當思無花菓樹之譬，枝柔葉萌，則知夏近矣。如是爾見此兆，則知人子近及門矣。我誠告爾，此代未逝，事皆得成。天地可廢，我言不可廢。○彼日彼時，人不知，天使不知，子亦不知，惟父知之。慎之哉。做醒祈禱，以爾不知其期也。譬如一人去家遠遊，委權於僕，各有所司，命闈者做醒，是宜做

醒以不知家主至於何時或昏暮或夜半或鷄鳴或平旦
 恐突如其來遇爾寢焉故我告爾亦以告眾者做醒是也
 四章越二日逾越節中際除醉節祭司者長士子詭
 謀執耶穌殺之惟曰節期不可恐民生亂耶穌在伯大尼
 癩者西門家席坐有婦人以玉盒盛至真至貴香膏揭玉
 盒沃其首有人憾之曰惡用是靡費為此膏鬻金三十有
 許可以濟貧矣善答之也耶穌曰姑聽之何為難之耶婦
 視我者善也夫貧者常借爾欲善視之隨時可得惟我不
 常借爾婦之所為乃盡其心其預膏我躬者備葬事耳我
 誠告爾普天下不論何處傳此福音亦必述婦所行以為

記十二門徒之一加略人猶大詣祭司諸長欲賣耶穌其
 人聞之喜許以金遂尋機賣耶穌○除醉節首日殺逾越
 節羔時門徒問耶穌曰欲我何處為爾備節筵乎耶穌遣
 二門徒曰爾往入城遇挈水瓶者從之入室告其主曰師
 問客舍安在我與爾徒食節筵彼將示爾一大樓陳設具
 備在彼預備可也門徒出入城果遇如所言遂預備節筵
 焉○既暮耶穌偕十二徒至席坐食間耶穌曰我誠告爾
 爾中一人與我共食將賣我矣門徒憂之一一問曰是我
 乎是我乎耶穌曰十二中一人與我著手於盂者是也人
 子將歸如記所載惟賣人子者有禍乎其人不生為幸○

食間耶蘇取餅祝而擘之。子門徒曰：取食之。斯乃我身焉。又取杯祝而予之。衆飲耶蘇曰：此乃我血，即新約之血，爲衆流者。我誠告爾，我不復飲葡萄之汁，待他日飲新者於上帝國也。○既咏詩往橄欖山，耶蘇謂門徒曰：此夜爾衆將棄我，記有之。我擊牧者，則羊散矣。我復生後，將先爾往加利利。彼得曰：衆棄爾，惟我不然。耶蘇曰：我誠告爾，今夜鷄二鳴之先，爾將三言不識我。彼得力言曰：即與爾偕亡，我必不言不識爾。衆言亦如之。至一地，名客西馬尼，謂門徒曰：爾曹坐此，待我所禱，遂攜彼得雅各約翰同行，驚訝哀慟曰：我心甚憂，死矣。爾曹居此，做醒少進，伏地祈禱。

曰：斯時可免，則免之。又曰：亞巴父乎，無所不能，請以此杯去我。雖然，非從我所欲，乃從爾所欲也。退見門徒寢，謂彼得曰：西門爾寢乎，不能做醒片時乎？做醒也，祈禱也，免入誘惑也。心願而身疲耳。復進祈禱，言亦如之。反見門徒目倦復寢，不知所對。○三反，詔門徒曰：今尙寢且安乎，已矣。時至矣。人子見賣與罪人矣。起而偕行，賣我者近矣。○言時，十二徒之一，猶大偕衆，以刃與梃，自祭司諸長士子長老之所而來。賣師者遞以號曰：吾接吻者是也。執而慎曳之。即就耶蘇曰：夫子，夫子，遂與接吻。衆舉手執之。○傍立一人拔刃擊祭司長僕，削其耳。耶蘇謂衆曰：爾以刃與梃

來執我若禦寇乎。我日偕爾於殿教誨，爾不執我，然經所載必應矣。諸門徒離之而奔，一少者裸而蔽以桌布，從耶穌卒之少者執之，遂棄桌布裸而奔。○衆曳耶穌至祭司長前，祭司諸長老士子皆集，彼得遠從耶穌入祭司長院，與吏坐向火。祭司諸長與全公會求證攻耶穌，欲死之，而弗得。蓋妄證者多，而所證不同。有人起而妄證曰：吾儕嘗聞其言云：此殿乃人所作，我將毀之。三日又建一殿，非人所作者，其所證又不同。祭司長起立於中間，耶穌曰：爾無所答乎？此人所證者何歟？耶穌默然不答。祭司長復問曰：爾是可頌者之子，基督否？耶穌曰：是也。爾將見人子坐

大權者之右，乘雲而來矣。祭司長自裂其衣曰：何用別證？爾已聞其僭妄矣，爾意如何？眾擬曰：置之死。或唾耶穌，掩其面，拳擊之曰：試言擊爾者誰？諸僕亦手批之。○彼得在下院，祭司長一婢至，見彼得向火，目之曰：爾亦偕拿撒勒耶穌也。彼得不承曰：我弗知也。不識爾云何。遂出至院門而鷄鳴矣。婢復見之，語旁立者曰：彼亦其黨。彼得又不承。頃之，旁立者語彼得曰：爾誠其黨，爾乃加利利人，方言亦合。彼得詛且誓曰：爾所言之人，我不識也。鷄復鳴，彼得憶耶穌言鷄二鳴之先，爾將三言不識我，思之，則哭矣。

馬可傳福音書第十五章

曳而解與彼拉多。彼拉多問曰：爾猶太人王乎？曰：爾言之矣。祭司諸長多端訟之。彼拉多復問曰：人證爾如此多端，爾竟不答乎？耶穌不措一詞。彼拉多奇之。○節期例釋一囚，任衆所求。有一人名巴拉巴，與連結作亂者共繫。此數人於作亂時，曾殺人。衆厲聲求依例而行。彼拉多曰：爾欲我釋猶太人王乎？蓋知祭司諸長，媚疾解耶穌也。祭司諸長峻衆，求釋巴拉巴。彼拉多復語衆曰：然則爾所謂猶太人王者，欲我何以處之？衆呼曰：釘之十字架。彼拉多曰：彼行何惡耶？衆愈呼曰：釘之十字架。彼拉多欲快民心，於是釋巴拉巴，鞭耶穌，遣釘十字架。士卒曳耶穌至院內，即

公廨是也。遂會全營，以紫袍衣耶穌，編棘冕冠之。問曰：猶太人王安？以葦擊其首，唾而屈膝拜之。戲畢，解紫袍衣，以故衣曳出釘十字架。有古利奈人西門，即亞刀山大魯孚之父，由田間來過焉。衆強之負耶穌十字架。攜耶穌至各各他，譯卽髑髏處，飲以沒藥酒。耶穌弗受。釘十字架後，闢而分其衣，以觀孰得。辰盡，釘之十字架。書獄辭於標曰：猶太人王。有二盜同釘，一左一右。經所謂人視爲罪犯中人者，應矣。過者謂之，搖首曰：噫，爾毀殿三日建之，今宜自救。由十字架下矣。祭司諸長士子，戲亦如之，相告曰：彼救他人，不能自救耶？以色列王基督，今由十字架下，我見則信。

新約全書

馬可傳福音書第十五章

二十五 卷二

矣。同釘者亦詬之。自日中至未終，徧地晦冥。未終，耶穌大聲呼曰：「以喇以喇，喇嗎噉噉，吹呢。」譯即我之上帝，我之上帝。何以遺子旁立。數人聞之曰：「彼呼以利亞。」有人疾走以醢漬海絨束葦飲之，曰：「姑聽之。」試觀以利亞至而取之，下否。○耶穌大聲一呼，氣遂絕。殿幔自上至下裂為二百夫長立於前，見其大呼氣絕，曰：「此誠上帝子矣。」有數婦遠觀，中有抹大拉之馬利亞。年少雅各約西之母馬利亞與撒羅米耶穌在加利利時，從而供事之者，又有多婦與耶穌共上耶路撒冷者。○是日乃備節日，即安息之先一日。既暮，有約瑟來自亞利馬，太為尊貴議士，仰慕上帝國，毅

然入見彼拉多求耶穌屍。彼拉多奇耶穌已死，遂呼百夫長問死久乎。既得其情，則以屍賜約瑟。約瑟市桌布，取屍下，裹以桌布，葬於墓。其墓乃鑿磐為之，轉石墓門。抹大拉之馬利亞及約西之母馬利亞咸見葬處。

第四章 安息日後，抹大拉之馬利亞雅各母馬利亞與撒羅米市芬芳之品，欲來傳耶穌七日之首日。平旦日出，適墓相告曰：「誰為我移墓門石乎？」蓋其石甚巨，望之見石已移入墓。見一少者坐於右，衣白衣，婦異甚。少者曰：「勿異，爾尋釘十字架拿撒勒耶穌乎？彼已復生，不在此矣。可觀葬處，往告其門徒，與彼得言耶穌先爾至加利利於彼可。」

新約全書

馬可傳福音書第十六章

二十六 卷二

得見之。如其言也。婦急出自墓而奔，戰慄驚駭，以懼故不告人。○七日之首日，平旦，耶穌復生，先見於抹大拉之馬利亞。曾逐七鬼離此婦矣。耶穌之同人，時在哭，婦往告焉。衆聞耶穌復生，爲婦所見，不信。厥後門徒二人適村行時，耶穌改容顯現。二人往告其餘，亦不信也。卒十一門徒坐席間，耶穌顯現，責其不信心，恐以不信見其復生者之言也。耶穌曰：爾曹往普天下，傳福音與萬民，信而受洗者得救，不信者定罪。信者則有異蹟從之，卽托我名逐鬼，言各國方言，操蛇飲毒無傷，按手病人得愈也。○主言竟，遂升天，坐上帝右門，徒往四方傳道，主相之以異蹟徵其道。

路加傳福音書

蓋有多人以我中足徵之事，筆之於書，乃本傳道者自始親見，而授同人。我又參互考證，次第書之。達提阿非羅閣下，欲爾深知所學之確然也。○當猶太王希律時，有亞比亞班祭司，名撒加利亞，其妻亞倫之裔，名以利沙伯，二人在上帝前，義者也，遵主誠命禮儀而行，無間然矣。但無子，蓋以利沙伯不妊，二人年又邁，時撒加利亞依其班列，行祭司事於上帝前，循祭司例掣籤，得入主殿焚香。焚香之際，衆民在外祈禱，主之使者現，立香臺右，撒加利亞見之，惶懼。天使曰：撒加利亞，勿懼，爾祈禱既聞之矣，爾

妻以利沙伯將生子，可名之曰約翰。爾將歡樂，眾悅其生。在主前彼為大清酒醇醪不飲，自胎而聖神充之，令以色列人多轉而歸主，即其上帝焉。彼將為主前驅，以利亞性情性才能，使父慈其子，逆者向義，為主備作新之民。撒加利亞謂天使曰：何以知其必然？我已老，妻年邁矣。天使曰：我乃加伯列，立上帝前，奉使詔爾，報茲嘉音。爾必瘖不能語，至事成之日，以爾不信我言，時至必應。民候撒加利亞，奇其久於殿內，及出不能言，知殿內必有所見，蓋以首示意，而竟瘖矣。職事日滿而歸，後其妻以利沙伯妊，靜處五月，云主眷顧我，視我若此，俾得洒恥於人間。

至六月，天使加伯利奉上帝命，往加利利拿撒勒邑，臨處女馬利亞，大闢族約瑟所聘者。天使入告曰：受恩之女安，主佑爾，諸女中惟爾見寵。馬利亞見之，訝其言，思問安曷故。天使曰：馬利亞勿懼，爾得上帝恩，將妊而生子，命名耶穌。彼將為大稱至上者之子，主上帝子，以厥祖大闢之位，永為雅各一家主，其國靡暨。對曰：我未適人，何由得此。天使曰：聖神將臨爾，至上者之力將庇爾，是以所生之聖者，得稱上帝子。且爾親戚以利沙伯，老而妊子，素稱不妊者，今已六月矣。蓋上帝無所不能也。馬利亞曰：主之婢在此，願如爾言。天使去。○馬利亞速起，適於山，至猶大一邑，入

新約全書

路加傳福音書第一章

二

卷三

撒加利亞室問安以利沙伯以利沙伯一聞馬利亞問安胎孕踊躍以利沙伯感於聖神大聲呼曰諸女中爾見寵矣爾所妊見寵矣主之母臨余何由而得此言爾問安之聲一入我耳而胎孕喜躍爾信主言必應則有福矣○馬利亞曰我心惟主為大我神悅救我之上帝其顧婢之卑微今而後萬世謂余有福以其有能為我大建異跡厥名惟聖畏之者矜恤之至世世其施厥臂力於心志驕者滅之有權者黜其位卑者舉而上饑者飽以珍羞富者使之徒反以色列其臣也而扶持之如昔諭我祖永念矜恤亞伯拉罕爰及苗裔是也馬利亞同居三月而歸○以利沙

伯孕及期生子隣里親戚聞主大矜恤之皆樂越八日眾至為子行割禮欲以其父之名撒加利亞名之其母曰不可必名曰約翰眾曰親戚中無名此名者遂以首示意問其父欲何名父請簡書曰約翰眾奇之即口啟舌解發言頌讚上帝隣里皆驚此事播揚遍猶太之山聞者心藏之云不知此子將若何主左右之矣其父撒加利亞感於聖神預言云可頌哉主以色列之上帝也眷顧其民而贖之為我挺拯救之角於其臣大闢家如主托古聖先知所言救我脫於敵人惡我者之手矜恤我祖念其聖命即與我祖亞伯拉罕所矢之誓謂將拯我於敵手畢生在主前以

虔以義無懼而事之此子將稱至上者之先知為主前驅
 以備其道示民知拯救即在赦罪也賴吾上帝以矜恤之
 心使旭日自上臨我居幽暗陰翳者光照之我履平康
 之道矣嬰兒漸長精神強健居野至顯於以色列民之日
 第_三章當時該撒亞古士督詔天下人登籍居里扭為叙
 利亞方伯此籍始行焉眾往登籍各歸其邑約瑟乃大關
 族系以故去加利利拿撒勒邑詣猶太至大關之邑名伯
 利恒與所聘妻登籍時馬利亞已妊寓彼孕既及期遂生
 冢子裹以布寢於槽槽或作既客舍無隙處故也○野有牧者於
 夜迭守羣羊主之使者降臨主之光華環照牧者大懼使

者曰勿懼我報爾嘉音關眾民之大喜者也今日於大關
 之邑為爾生救主基督將見嬰兒裹於布寢於槽是其號
 矣倏有眾天軍偕使者讚美上帝云上則榮歸上帝下則
 和平人沐恩澤矣諸使者升天而去牧人相告曰我儕且
 往伯利恒觀主示我之事急往見馬利亞約瑟槽中果有
 嬰寢焉既見則以天使所示嬰兒事遐邇播揚聞者奇之
 馬利亞以此言默識於心牧者以所見所聞悉如天使言
 歸榮讚美上帝而反

八日既屆為嬰行割禮命名耶穌即未妊時天使所稱者
 潔日既滿依摩西例抱嬰上耶路撒冷獻之於主如主例

新約全書 路加傳福音書第二章 四 卷三

載云凡初胎男子稱為聖物以獻主兼以雙鳩或二雛鴿
 獻祭悉如主例○耶路撒冷有名西面者其人義且敬素
 仰慕夫慰藉以色列民者聖神臨之得聖神示言未及
 死必見主之基督是時感於神進殿適耶穌父母抱嬰入
 欲循例而行西面接嬰頌讚上帝曰今如主所言可釋僕
 安然以逝以我目擊救主爾特簡於眾民前光照異邦為
 爾以色列民之榮約瑟及耶穌母奇其言西面祝之謂馬
 利亞曰此子將立關以色列人興衰為受刺之鴿使眾念
 流露劍刺爾心而貫之有婦亞拿亞設支派法內力女先
 知者也年逾期頤及笄時偕夫七載為嫠八十四年身不

離殿禁食祈禱日夜崇事當時趨前讚主與耶路撒冷望
 贖諸人論說此子耶穌父母遵主例既竟歸加利利拿撒
 勒故鄉嬰兒漸長精神強健智慧充實上帝恩眷之○每
 歲逾越節其親詣耶路撒冷時耶穌年十有二遵節期例
 咸上耶路撒冷卒期而返耶穌猶在耶路撒冷其母與約
 瑟不知也意必在同行中及行一日之程乃於親知問訪
 焉不遇則反耶路撒冷尋之三日後遇於殿坐先生中且
 聽且問焉聞者奇其穎悟善應對二親見而異之其母曰
 兒何使我若此乎爾父與我痛心尋爾耶穌曰奚尋我為
 豈不知我當在父所乎二親未達耶穌與歸拿撒勒承順

新約全書

路加傳福音書第二章

五

卷三

父母其母以此藏諸心。耶穌智齡日增，上帝與人益愛之。
 該撒提庇留在位之十五年，本丟彼拉多為猶太
 方伯，希律為分封之君，國於加利利。其兄弟腓力為分封
 之君，國於以土利亞及特拉可尼地。呂撒聶為分封之君，
 國於亞比利尼亞。那該亞法為祭司長時，撒加利亞子約
 翰居於野。上帝之命降之，乃來約但四方傳悔改之洗禮。
 俾得罪赦。如書載先知以賽亞言云：野有聲呼云：備主道，
 直其徑。諸谷填之，岡陵卑之，屈曲使直，崎嶇使平。凡有血
 氣者得見上帝救主。眾出受洗。約翰曰：蝮類乎？誰示爾避
 後日之刑乎？故當結菓，以彰悔改，勿自以為亞伯拉罕我

祖也。吾語汝，上帝能起此石為亞伯拉罕子孫焉。今斧置
 樹根，凡樹不結善菓者，則斫之。委火眾問曰：我當何為？曰：
 有二衣，則分彼無衣者；有食亦然。稅吏至，欲受洗，問曰：先
 生，我當何為？曰：定賦之外，勿取。軍士問曰：我當何為？曰：勿
 強索人，勿誣詐人，以所得之糧足矣。○民望基督，疑約翰
 即是否。約翰謂眾曰：我以水施洗爾，惟有勝我者來，解其
 履帶，我亦不堪。彼將以聖神及火施洗爾，其手執箕，將盡
 簸厥禾場，歛穀入倉，而燒糠以不滅之火。約翰多方勸慰，
 報嘉音於民。分封之君希律以兄弟腓力妻希羅底事，及
 所為不道，故見謫於約翰，轉增其暴。囚約翰於獄。○當眾

民受洗畢，耶穌亦受洗，祈禱時天開，聖神降臨，其上狀如
 鴿，自天有聲云：爾乃我愛子，我所喜悅者。耶穌年甫三十，
 人以為約瑟子，其上為希里，其上為馬塔，其為利未，其
 上為麥基，其上為雅拿，其上為約瑟，其上為馬大提亞，其
 上為亞麼士，其上為拿翁，其上為以士里，其上為拿該，其
 上為馬押，其上為馬大提亞，其上為西美，其上為約瑟，其
 上為猶大，其上為約亞拿，其上為利撒，其上為所羅把伯，
 其上為撒拉鐵，其上為尼利，其上為麥基，其上為亞底，其
 上為哥桑，其上為以摩堂，其上為耳，其上為約細，其上為
 以列撒，其上為約令，其上為馬塔，其上為利未，其上為西

面，其上為猶大，其上為約瑟，其上為約南，其上為以利亞
 金，其上為米利亞，其上為買南，其上為馬達他，其上為拿
 單，其上為大關，其上為耶西，其上為阿伯，其上為波士，其
 上為撒們，其上為拿順，其上為亞米拿達，其上為亞蘭，其
 上為以士崙，其上為法勒士，其上為猶大，其上為雅各，其
 上為撒鹿，其上為拉苟，其上為法勒，其上為希百，其上為
 撒拉，其上為該南，其上為亞法撒，其上為閃，其上為挪亞，
 其上為拉麥，其上為馬土撒拉，其上為以諾，其上為雅列，
 其上為馬勒列，其上為該南，其上為以哪士，其上為設其

新約全書

路加傳福音書第三章

七

卷三

上為亞當其上為上帝。

第四節 耶穌感於聖神歸自約但聖神導之適野見試於魔鬼四旬不食飢魔鬼曰爾若上帝子此石可為餅耶穌曰記有之人得生不惟餅惟上帝所命魔鬼導之登高山瞬息間以天下列國示之曰我將以諸權及榮子爾蓋此已委我惟所欲與爾若拜我悉以與爾耶穌曰撒但撒但退記有之當拜主爾之上帝獨崇事焉又引至耶路撒冷升之殿頂曰爾若上帝子可投下記有之主必命使者護爾扶爾免足觸石耶穌曰記有之勿試主爾之上帝魔鬼計窮乃暫離之

耶穌大為聖神所感歸加利利聲名洋溢四方在會堂教誨眾歸榮之往長育之拿撒勒於安息日循例入會堂立而誦讀有以先知以賽亞書與之開卷見所載云主之神臨我膏我俾傳福音於貧人傷心者醫之告虜者得釋瞽者得明瘡痍者得自由以宣主之禧年耶穌掩卷授執事而坐會堂眾人注目視之耶穌曰爾聞是經今日應矣眾稱之奇其口出嘉言曰此非約瑟子乎耶穌曰爾必引諺請我云醫當自醫聞爾行之於迦百農者亦當行之於故土我誠告爾未有先知而見重於故土者我真實告爾昔以利亞時天閉塞三年有半徧地大饑以色列民間多瘡

新約全書

路加傳福音書第四章

八

卷三

以利亞奉使未嘗往見一人惟就西頓撒勒大一務先知
 以利沙時以色列民多癩無一得潔惟叙利亞人乃慢得
 潔焉會堂衆人聞之怒甚羣起逐之邑外其建於山曳
 至崖欲推之下耶穌徑行衆中而去至加利利迦百農於
 安息日教誨衆異其訓以道勝也會堂有人爲邪鬼之神
 所崇大呼曰唉拿撒勒耶穌我與爾何與爾來敗我乎我
 識爾乃上帝之聖者耶穌斥之曰緘口出鬼仆之衆中而
 出其入無傷也衆異之相告曰是何道耶蓋以權能命邪
 神而神出矣於是聲名洋溢四方○耶穌出會堂入西門
 家西門妻之母患瘧甚篤人求耶穌耶穌近立斥瘧瘧退

婦起供事之日入人攜諸患病者至耶穌一一按手醫焉
 有鬼自多人出呼曰爾乃上帝子基督耶穌以其識己爲
 基督戒之勿言平旦耶穌出野衆尋就之不欲其去援而
 止焉耶穌曰我當傳上帝國福音於他邑我奉使蓋爲是
 也於是傳道於加利利會堂

第五節 衆擁擠欲聽上帝道耶穌立於革尼撒勒湖濱見
 二舟在湖濱漁人離舟洗網一舟屬西門耶穌登之命移
 舟離岸少許遂坐舟中教衆言竟語西門曰移至深處下
 網以漁西門對曰夫子我儕終夜勞苦竟無所得今以爾
 言我則下網下則圍魚甚衆網綫裂招他舟之侶來助魚

新約全書 路加傳福音書第五章 九 卷三

需醫負病者需之我來非招義人乃招罪人悔改耳衆曰
 約翰之徒屢禁食祈禱法利賽徒亦然惟爾門徒飲食何
 歟耶穌曰新娶者在安能使賀娶之人禁食乎三十一將來新
 娶者別之去時乃禁食耳於是設譬謂衆曰未有補舊衣
 而用新布者恐新裂其舊而所補之新者與舊不合三十二未有
 盛新酒而用舊革囊者恐新酒裂其囊酒漏而囊亦敗惟
 新酒盛以新囊斯兩者存矣未有飲舊酒而新是圖者亦
 曰舊者善耳

踰越節之二日首安息耶穌徑行田間門徒摘穗
 搏而食之法利賽人語之曰安息日所不宜行者爾何行
 之耶穌曰爾未知大關及從人饑時所行乎入上帝宮取
 陳設之餅而食且子從者但此餅惟祭司可食耳又曰人
 子亦安息日主也

又一安息日耶穌入會堂教誨有右手枯者士子法利賽
 人窺耶穌於安息日醫否欲得問罪之耶穌知其意命手
 枯者曰起立於中遂起而立耶穌謂衆曰我的一言問爾
 安息日行善行惡救生殺生孰宜乎遂環視衆謂其人曰
 伸手伸即愈如他手衆暴怒共議何以處耶穌○當時耶
 穌往山竟夜祈禱上帝平旦呼門徒選十二人謂之使徒
 有若西門稱彼得及兄弟安得烈雅各約翰腓力巴多羅

新約全書 路加傳福音書第六章 十一 卷三

買馬太多馬亞勒腓子雅各西門稱銳雅各兄弟猶大加
 魯人猶大即賣師者耶穌偕使徒下山立於平地諸門徒
 及眾人自猶太四方耶路撒冷推羅西頓沿路來聽冀得
 醫疾亦有為邪神所難者咸得醫焉耶穌顯能以醫人故
 眾欲捫之○耶穌舉目視門徒曰貧者福矣以上帝國乃
 爾所有也饑者福矣以爾將飽也哭者福矣以爾將笑也
 為人子而人憎爾絕爾詬爾惡爾名如惡惡臭即福矣當
 日欣喜踊躍以在天而得賞者大也其祖視先知亦如是
 富者禍矣以爾曾得安樂也飽者禍矣以爾將饑也笑者
 禍矣以爾將哀哭也為眾所譽者禍矣其祖視偽先知亦

如是吾語汝敵爾者愛之憾爾者善視之誣爾者視之
 害爾者代之祈禱擊爾頰則轉頰以與之奪爾外服勿禁
 裏衣也求爾者與之取爾物者勿復索之爾欲人施諸己
 者亦如是施諸人爾而愛愛爾者何惠之有蓋罪人亦愛
 愛己者爾而善視夫善視爾者何惠之有蓋罪人亦如是
 借人而望償何惠之有蓋罪人借罪人亦欲其償如數也
 敵爾者愛之善視之借不望償則爾賞大矣爾將為至上
 者之子蓋彼仁及辜恩不善之人故當憐憫如爾天父焉
 勿議人則不議爾勿罪人則不罪爾恕人則恕爾子人則
 子爾將以大量搖撼使實充滿溢外納爾懷中蓋爾量度

新約全書

路加傳福音書第六章

十二

卷三

若何則見度亦如是。○又取譬曰：譬何能相譬，不相與陷于溝壑乎？徒不踰師，德備者如師。兄弟目中有草芥，爾見之，而已目中有梁木，不自覺，何歟？則何以語兄弟？云：兄弟乎，爾目草芥，容我為爾去之，而不覺己目中有梁木乎？偽善者乎？先去爾目之梁木，方可明見，以去兄弟目中草芥也。善樹不結惡菓，惡樹不結善菓。凡樹以其菓識之，荆棘中，不摘無花菓，蒺藜中，不採葡萄。善人心積善，而著其善，惡人心積惡，而著其惡，蓋有諸心者，言諸口也。爾何稱我主也？主也，而不行我言乎？我亦爾，凡就我，聞我言，而行之者，將何以比之？譬諸建屋，掘而深之，置基磐上，洪水氾濫，

橫流衝屋，不能震動，以基磐上也。惟聞而不行者，譬諸無基而建屋，土上橫流衝之，遂以傾圮，而屋之頽壞者大也。
 耶蘇教民言竟入迦百農，有百夫長愛僕病將死，風聞耶蘇遣猶太長老數人求之來醫僕。長老就耶蘇切求曰：「以此事施此人，宜也。」以其愛我民，為之建會堂。耶蘇偕往，離屋不遠，百夫長使其友就之曰：「主，勿勞，臨我舍，我不敢當，亦不堪就爾。」第發一言，僕必愈。蓋我權屬人，兵權屬我，命去即去，命來即來，令僕行是，即行是。耶蘇聞而奇之，顧從者曰：「吾語汝，以色列民中，未見如是之篤信也。使者歸，見負病之僕，已康強矣。」

翌日耶穌適一邑名拿因諸門徒及眾同行近邑門有昇死者出其母獨生此子而廢邑民送者甚眾主見憫之曰勿哭遂近按其襯昇者止耶穌曰少者我命爾起死者起坐且言耶穌以此子與其母眾駭歸榮上帝曰大先知與於我中上帝眷顧其民矣於是聲名洋溢猶太四方

約翰門徒悉以斯事告師約翰遂招門徒二人使見耶穌曰當來者爾乎抑他人是望乎二人就耶穌曰施洗約翰遣我見爾云當來者爾乎抑他人是望乎時耶穌醫諸疾病及患惡神者賜瞽者明遂謂之曰以爾所見所聞往告約翰如瞽者明跛者行癩者潔聾者聰死者甦貧者聞福

音凡不我厭而棄者福矣約翰之使者反耶穌舉約翰謂眾曰爾素出野欲何觀耶葦動於風乎爾出欲何觀耶人衣美服乎夫文繡宴安者在王所也然則爾出欲何觀耶先知者乎誠然吾語汝是卓越於先知者記有之我遣我僕在爾前備爾道者即斯人也吾語汝婦之所生未有先知大於施洗約翰者然上帝國之至微尤大於斯人也庶民與稅吏素受洗於約翰聞此言而稱上帝之義惟法利賽人與教法師不受其洗自暴而拒上帝之旨主曰斯世之人將何以比之又以何譬譬之耶比之童子坐於市井相呼曰我吹簫爾不踊我悲歌爾不哭施洗約翰至不食

路加傳福音書第七章

所踐飛鳥盡食之。有遺穢地者，生卽槁，以無潤澤。有遺棘中者，棘同生而蔽之。有遺沃壤者，生而結實百倍。言竟呼曰：宜傾耳以聽門徒問曰：此譬何歟？曰：上帝之奧與爾知之。惟於他人，則設譬，故彼視而不明，聽而不悟。此譬非他種者，上帝道也。遺道傍者，猶人聽道，魔鬼卽至，由其心奪之，恐信而得救。遺穢地者，猶人聽而喜受其道，惟無根，則暫信耳。遇患難，遂背之。遺棘中者，猶人聽道而往，爲此生之憧擾，貨財宴樂所蔽，而不實。遺沃壤者，猶人以善良之心聽道，守以恒忍，而結實矣。且人燃燈，不以器藏之，牀下置之，乃置臺上，欲人者觀其光也。未有微而不彰，未有

藏而不著，見明顯者也。是故聽道宜慎，蓋有者將與之無者，卽其所自以爲有，將奪之。○耶穌之母及兄弟至，人衆不得近。或告曰：爾母及兄弟立於外，欲見爾。耶穌謂衆曰：吾母及兄弟，乃聽上帝道而行之者也。○一日，耶穌偕門徒登舟，曰：我儕且渡湖。舟遂行。行時，耶穌寢，湖中颶風驟起，斥風浪卽止而平息矣。謂門徒曰：爾之信我安在？衆訝相告曰：是何人也？命風與水亦順之。○舟行至加大拉地，與加利利相對。耶穌登岸，有人出城遇之，乃久爲諸鬼所憑，不衣衣，不處室，而居塚者。見耶穌俯伏，大呼曰：至高上

帝子耶穌我與爾何與求爾莫苦我蓋耶穌曾命邪神出
是人此神強取之已久雖繫以鐵索械以桎梏卽斷械繫
之具爲鬼逐諸野耶穌問曰爾何名曰營以八之者多
也遂求耶穌勿令入暗府其地有羣豕食於山鬼求耶穌
許入豕許之鬼離人入豕其羣突落山坡溺於湖牧者見
之奔告邑村衆出欲觀所爲就耶穌見先患鬼之人衣
自若依耶穌足下衆懼見者以患鬼如何得救告之加大
拉四方之衆求耶穌離之大驚故也耶穌登舟而反先患
鬼之人求偕耶穌耶穌使之去曰可歸以上帝爲爾所爲
者告人其人遂往遍邑言耶穌爲己所爲之事

衆佇望耶穌於其反而接之○有宰會堂者名唯魯來俯
伏耶穌足下求至其家蓋有獨生之女甫十二歲將死耶
穌行時衆擠擁之有婦血漏十二年爲醫盡耗全業無能
醫之者就耶穌後捫其裙血漏卽止耶穌曰捫我者誰衆
不承彼得與同人曰夫子衆擠擁迫近乃問誰捫我乎耶
穌曰有捫我者我覺身有異能顯出婦知不能隱戰慄而
至俯伏耶穌當衆前告以捫之之故與如何立愈耶穌曰
女心安爾信愈爾安然以歸言時有自宰會堂者之家來
曰爾女亡矣勿勞師焉耶穌聞之曰勿懼惟信則女得救
入室於彼得雅各約翰及女之父母而外不許他人入衆

哭而哀。耶穌曰：勿哭。女非死。寢耳。衆知其已死。啞之。耶穌遣衆出。執女手。呼曰：女子起。其神復。卽起。耶穌命予之食。父母驚駭。耶穌命勿以所行告人。

耶穌召十二門徒。賜權以制鬼。醫病。遺之。傳上帝國之道。醫有病者。曰：勿攜資斧。勿杖。勿袋。勿糧。勿金。勿二衣。入人室。居於斯。去亦於斯。有不接爾者。去。邑時。拂去足塵。以爲衆証。門徒出。遍行於鄉。在在傳福音。施醫。○分封之君希律聞耶穌所行。則躊躇焉。以有言約翰復生。有言以利亞見。有言古先知一人復生者。希律曰：約翰我已斬之矣。今又聞此。果何人歟。遂欲見之。○使徒歸。以所行復

耶穌與衆知之。而隨之。耶穌接衆與言。上帝國。凡需醫者。醫之。日甫昃。十二門徒就曰：我儕在此曠野。請散衆。周往鄉村。投宿覓食。耶穌曰：爾子之食可也。曰：我儕惟有五餅二魚。不往市食。何以與衆。蓋其人約有五千云。耶穌謂門徒曰：使衆列坐。每列五十。門徒如其言。使衆坐。耶穌取五餅二魚。仰天祝而擘之。予門徒。使陳於衆。皆食而飽。拾其餘屑。十二筐。耶穌燕居祈禱。門徒偕之。耶穌問曰：衆言我爲誰。對曰：有言施洗約翰。有言以利亞。有言古先知一人復生。耶穌曰：爾曹言我爲誰。彼得對曰：上帝之基督。耶穌戒勿告人。又曰：人子必備受害。爲

新約全書 路加傳福音書第九章 十八 卷三

長老祭司諸長士子所棄且見殺三日復生亦謂眾曰欲
 為吾徒則當克己日負十字架以從凡欲救其生命或曰生
 魂者反喪之為我而喪生命者必救之利盡或曰盡而自喪
 亡者何益之有凡恥我及我道者人子以己與父及聖使
 之榮臨時亦必恥其人我誠告爾立於此者有人未死之
 先克見上帝國○厥後八日耶穌攜彼得約翰雅各登山
 祈禱祈禱時容貌異常其衣皎白燁燁有摩西以利亞二
 人與語榮光顯現言耶穌將逝於耶路撒冷彼得與同人
 倦而寢及悟見耶穌榮光有二人同立相離時彼得謂耶
 穌曰夫子我儕在此善矣容我建三廬一為爾一為摩西

一為以利亞而不自知所謂也言時雲蓋之身在雲間則
 懼有聲自雲出曰此我愛子爾宜聽之聲寂見耶穌獨在
 門徒緘默是時不以所見告人○翌日下山眾迎之中一
 人呼曰先生求爾顧我子是子乃獨生者為神所崇忽而
 呼拘攣流涎加害去之實難曾求爾門徒逐之不能也耶
 穌曰噫不信悖逆之世我偕爾忍爾當幾何時且攜若子
 來此來時鬼傾跌拘攣之耶穌斥邪神醫此子以與其父
 眾異上帝大能奇耶耶穌所行耶穌謂門徒曰人子將賣與
 人當以此言藏諸耳門徒未達蓋此語隱微不悟而不敢
 問○門徒私議孰為大耶穌知其意取孩提置於側語門

路加傳福音書第九章 十七

徒曰：凡以我名接斯孩提，即接我；接我，即接遺我者。夫爾中敢微者，將為大也。○約翰曰：夫子，我儕見一人，以爾名逐鬼，禁之，為其不從我也。耶穌曰：勿禁之，凡不與我者，則向我。○耶穌昇天之日將至，則定向耶路撒冷而行，遣使前往，至撒馬利亞一鄉，以備舍館。鄉人不納，以其向耶路撒冷行也。門徒雅各、約翰見此，曰：主，欲我招火，由天降而滅之，如昔以利亞所行乎？耶穌顧而責之，曰：爾誠何心，不自知耶人子至，非滅人命，乃救之也。遂往他鄉。○行時，或曰：主，不論何之，我欲從爾。耶穌曰：狐狸有穴，飛鳥有巢，惟人之子，無枕首之所也。又語一人曰：從我，曰：主，容我歸葬

父。耶穌曰：任夫死人葬其死人，爾往傳上帝國之道。又一人曰：主，我從爾，但容我先別家人。耶穌曰：手執耒耜而願後者，不克當於上帝國也。

厥後，主又立七十人，耦而遣之，先於其所欲往諸邑諸地，曰：穡多工少，宜求穡主，遣工力穡也。往哉，我遣爾，似羔人狼羣，勿攜囊，勿袋，勿履，途中勿與人施禮。入人家，則曰：斯家福兮，倘居人宜福，則爾所禱之福臨之，不然，則歸爾矣。居其家，所供者飲食之，蓋工得其值，宜也。勿由此室移彼室，入邑而人接爾，則食其所陳者；邑有病者，醫之，且告眾曰：上帝國近爾矣。入邑而人不接爾，則出於衢，曰：

爾邑之塵沾於我者對而拂之雖然上帝國近爾亦爾所當知也吾語汝當日所多馬之刑較此邑尤易受也哥拉汎其有禍乎伯賽大其有禍乎蓋在爾中所施異能若施於推羅西頓則早衣麻蒙灰坐而悔改矣然審判日推羅西頓之刑較爾尤易受也迦百農乎爾曾得升至天又將推落暗府又曰聽爾者即聽我拒爾者即拒我拒我者即拒遣我者也七十人喜而反曰主以爾名鬼亦服我耶穌曰我見撒但自天而墮如電然我賜爾以能可踐蛇蠍制敵諸權必無害爾者矣然勿以神服爾爲喜乃以爾名錄於天爲喜也當時耶穌心喜曰父乎天地主也我讚爾以

此道隱於智者才者而顯之於赤子誠哉父之善意固如是也萬物由父賜我父之外無識子子及子所樂示者之外亦無識父也耶穌顧門徒竊謂之曰見爾所見者其目福矣吾語汝昔諸先知及后王欲見爾所見而不得見欲聞爾所聞而不得聞○有教法師起而試之曰先生我當何爲可得永生曰律法所載如何爾所讀如何對曰當盡心盡性盡力盡意愛主爾之上帝亦愛隣如己曰爾之言然行此則生彼欲自稱爲義謂耶穌曰誰爲我隣耶穌曰有人自耶路撒冷下耶利哥遇盜剝且傷瀕死委之而去適有祭司由是路至見而竟過之利未人至彼處前而觀